



UNIVERSITÄTS-
BIBLIOTHEK
PADERBORN

Universitätsbibliothek Paderborn

Instructio practica ...

De Horis Canonicis Juxta Rubricas Breviarii Romani ritè recitandis - In qua etiam ipsæ Rubricæ Notis brevibus illustratæ, & Martyrologij Romani nomina suis Accentibus signata continentur, Ad Faciliorem Discentium Vsvm Ac Praxin

Lohner, Tobias

Dilingæ, 1676

Tit. IX. De Commemorationibus.

[urn:nbn:de:hbz:466:1-48333](https://nbn-resolving.org/urn:nbn:de:hbz:466:1-48333)

tum commemoratio de S. MARIA cum Antiphona, Versu & Oratione, quæ habentur in Officio ejus in Sabbato, nisi illud Officium novem Lectionum sit de eadem B. MARIA, quia tunc nulla alia commemoratio de ea facienda est. *f.*

F. Ne bis explicitè ejusdem in eadem Hora fiat mentio in Orationibus, & ne de eadem fiat commemoratio simul & Officium.

IV. Ad Matutinum post Invitatorium & Hymnū de S. MARIA, dicitur unum Nocturnum cum duodecim Psalmis Ferialibus, ut in Psalterio *g.* Versus de S. MARIA, prima & secunda Lectio ex Scriptura de Tempore occurrenti; tertia Lectio, & alia omnia tam in Matutino, quàm in Laudibus & Horis, ut in Officio S. MARIE in Sabbato assignatur.

G. Ex quo tamen Psalmi pro Laudibus non sumuntur, sed ex Dominica, vel Officio parvo B. Virginis.

V. Dicuntur Preces Dominicales *h.* ad Primam & Completorium, & fiunt Suffragia consueta de Apostolis & Pace; & Tempore Paschali sola commemoratio de Cruce, ut in secunda Feria post Octavam Paschæ. Post Nonam nihil fit de ea, nisi consueta ejus commemoratio cum aliis Suffragijs, quando dicenda sunt in Officio de Dominica.

H. Sic dicuntur ad distinctionem à Ferialibus Precibus, quæ in nulla unquam Dominica dicuntur.

TITULUS IX.

DE COMMEMORATIONIBVS.

I. **C**ommemorationes *i* fiunt de Festis Simpli-
cibus, quando in eorum diebus incidit Fe-
stum novem Lectionum, etiam translatum, vel Do-
minica, vel Octava, vel Sabbatum, & quando fieri

H 3

debet

debet de Feria, ut ponatur Officium alicujus Dominicæ, quæ in anno superfuit.

I. Commemorationis nomine hîc nihil aliud intelligitur, quàm recitatio certæ cujusdam Antiphonæ cum Versiculo & Responsorio, ac Oratione in solis Laudibus & Versibus dici solitæ.

II. De Feriis Adventûs, Quadragesimæ, Quatuor Temporum, Vigiliarum, k. & secundæ Rogationum fit commemoratio, quando Festum novem Lectionum in illis Ferijs occurrit. Si simplex Festum in eisdem Ferijs occurrit, Officium fit de Feria, & commemoratio de Festo simplici.

K. Nisi illud Festum sit primæ Classis, tunc enim de Vigilia, nulla fieret commemoratio.

III. Præterea fit commemoratio de Dominicis à Pentecoste usque ad Adventum, & ab Epiphania usque ad Septuagesimam, & à Dominica in Albis usque ad Pentecosten exclusivè, quando Festo Duplici impediuntur. De alijs Dominicis l. nulla fit commemoratio occurrente Festo Duplici, quia Festum in illis transfertur, nisi illud Festum fuerit Principalis Patroni, vel Tituli, aut Dedicationis Ecclesiæ, non autem alicujus Capellæ vel Altaris ejusdem Ecclesiæ, & tunc de hujusmodi Principali Festo fit tantùm in eo loco vel Ecclesia, cujus est Patronus, vel Titulus, vel Dedicatio cum commemoratione Dominicæ; exceptâ primâ Dominicâ Adventûs, Dominicâ primâ Quadragesimæ, Dominicâ Passionis, Dominicâ Palmarum, Dominicâ Paschæ, Dominica in Albis, ac Dominicâ Pentecostes & Trinitatis, in quibus hujusmodi occurrens Festum transfertur in sequentem diem similiter non impedita, dummodo non fuerit infra majorem Hebdomadam.

domadam, *m.* & per Octavam Paschæ & Pentecostes, quibus diebus non fit de aliquo Festo Duplici occurrente.

L. Intellige Dominicas primæ & secundæ Classis in Tabula Festorum notatas.

M. Major hebdomas vocatur ultima hebdomas Quadragesimæ, eò quòd ibi Mysterium Redemptionis humanæ per Passionem Christi factæ specialiter recolatur.

IV. De Octava etiam, quando Festo novem Lectionum, vel Dominicâ impeditur, fit commemoratio, nisi illud Festum novem Lectionum fuerit solemne principale alicujus loci, *n.* ut supra; nam in primis Vesperis & Laudibus hujusmodi Festi nulla fit commemoratio Festi simplicis occurrentis, nec alicujus Vigiliæ (exceptâ Vigiliâ Epiphaniæ *o.*) nec alicujus diei infra Octavam, nec alicujus præcedentis Festi novem Lectionum (nisi id Festum fuerit ex ijs, quæ infra in hac eadem Rubrica enumerantur) nec diei Octavæ, nec Dominicæ, si Festum illud solemne celebretur Feriâ secundâ, exceptis Dominicis Adventûs, & Dominicis à Septuagesima usque ad Octavam Paschæ inclusivè, de quibus Dominicis, sicut etiam de Ferijs Adventûs, Quadragesimæ, Quatuor Temporum & Feriæ secundæ Rogationum fit commemoratio quocunque Festo adveniente. Quòd si hujusmodi Festum solemne venerit in quacunque Dominica, fit commemoratio de ea in utrisque Vesperis & Laudibus. Et similiter, si occurrat in die Octava alicujus Festi habentis Octavam, de ea fiet commemoratio etiam in utrisque Vesperis & Laudibus. In secundis autem Vesperis Festi prædicti fit commemoratio de Duplici, Semiduplici *p.* & Dominica sequentibus, & non de alijs.

N. Puta Patroni, Tituli, vel Dedicacionis.

O. Quæ privilegiata est, ut de ea semper fieri debeat commemoratio.

P. Festo intellige, nam de diebus infra Octavam, licet æquæ sint Semiduplicia, non fit commemoratio in secundis Vesperis talis Festi.

V. Idem servatur in quibusdam Festis Majoribus per annum, scilicet in Nativitate Domini (in cuius Officio nulla fit commemoratio de S. Ananias, sed in secunda tantum Missa) in Epiphania, in Pascha Resurrectionis cum tribus proximè antecedentibus, & duobus proximè sequentibus diebus, in Pentecoste cum duobus sequentibus diebus, in Festo Corporis Christi, in Festis Natalitijs S. Joannis Baptistæ, SS. Apostolorum Petri & Pauli, Assumptionis B. MARIE, in Festo Omnium Sanctorum, & in Festo Dedicacionis propriæ Ecclesiæ, quibus Festis fiunt Commemorationes eo modo tantum, quo dictum est.

¶ Quibus etiam Festum S. Stephani Protomartyris non improbabiler addit Andreas Castaldus in Cærem. Clericor. Reg. l. 3. c. 5. n. 1. eò quòd huic Festo cedat Festum secundæ Classis, scilicet S. Joannis Apostoli in primis Vesperis.

VI. In Festis autem secundæ Ordinis, videlicet Circumcisionis, Trinitatis, Purificationis, Annunciationis, & Nativitatis B. MARIE, in Natalitijs duodecim Apostolorum s. & Evangelistarum, in Festo Inventionis S. Crucis, in Festo S. Laurentii, & Dedicacionis S. Michaëlis Archangeli, in primis Vesperis fit commemoratio Festi Duplicis eo die celebrati, nisi aliter in locis proprijs notetur: de Dominica verò, de die infra Octavam, & de Festis Semiduplicibus non fit commemoratio eo modo quo nec in solemni Festo alicujus loci, ut dictum est

suprà. De Simplicibus & Vigilijs in his Festis occurrentibus legitur nona Lectio, & fit commemoratio in Laudibus tantùm. *u.* In secundis autem Vesperis fit commemoratio de quocunque sequenti Festo, etiam Simplici, & de die infra Octavam, si de ea fieri debeat Officium sequenti die. De Octavis Nativitatis Domini, Epiphaniæ & Corporis Christi semper fit commemoratio in utrisque Vesperis & Laudibus, quodocunque contigerit intra illas de aliquo alio Festo Officium celebrari juxta Rubricam de Octavis n. 3.

R. Id est, secundæ Classis, prout in Tabula Festorum vocantur.

S. Non tamen SS. Petri & Pauli; hi enim Duplicibus primæ Classis enumerantur.

T. Quibus Gavantus & alij Festum SS. Innocentum, imò & S. Stephani contra Castaldum paulò antè citatum addunt.

V. Per hoc enim maximè Duplicibus primæ Classis dignitate cedunt, & ab ijsdem distinguuntur.

VII. De Dominicis & Festis Adventûs, & Quadragesimæ Commemoratio fit in utrisque Vesperis & Laudibus. De Ferijs Quatuor Temporum, Vigiliarum, & Feriâ secundâ Rogationum, quando de illis commemoratio fieri debet, fit in Laudibus tantùm. De Festis autem Simplicibus (nisi in diebus supradictis *x.* occurrant) commemoratio fit in primis Vesperis & Laudibus eo die, quo in Kalendario assignantur. De alijs verò Dominicis per annum & Octavis commemoratio fit in utrisque Vesperis & Laudibus, nisi concurrant cum suprà enumeratis Festis. *z.*

x. Duplicibus primæ Classis intellige.

z. Scilicet Duplicibus primæ & secundæ Classis; tunc enim in primis illorum Vesperis nulla fit commemoratio Dominicæ.

VIII. Commemorationes fiunt hoc modo. Post orationem diei in primis Vesperis dicitur Antiphona, quæ posita est ad *Magnificat*, & in Laudibus, quæ posita est ad *Benedictus* in Communi (si propria non habuerit) conveniens ejus Officio , cujus fit commemoratio. Post Antiphonam dicitur Versus inde sumendus, unde Antiphona sumpta est, scilicet post Hymnum Vesperarum & Laudum : deinde dicitur Oratio. Si Antiphona & Versus Festi, de quo fit commemoratio, sumenda essent ex eodem Communi, unde sumpta sunt in Officio diei, in Festo Commemorationes variantur, ita ut in Vesperis sumantur ex Laudibus, & in Laudibus ex primis Vesperis ejusdem Communis, nisi aliter signentur. Et similiter, si in secundis Vesperis S. Agathæ, aut alterius Sanctæ novem Lectionum fieri debeat commemoratio B. MARIÆ pro ejus Officio in sequenti Sabbato celebrando, ne repetatur bis Versiculus *Diffusa est gratia*, dicatur Versiculus *Benedicta tu* ex Laudibus. *a.* Si item occurrat, ut eadem sit Oratio Festi, de quo fit Officium, & ejus, de quo fit commemoratio, mutetur Oratio pro Commemoratione in aliam de Communi. *b.* Si de Tempore fiat commemoratio, de Dominica scilicet vel Feria, Antiphona & Versus ante Orationem eodem modo sumuntur ex Proprio de Tempore, si habuerit Propria; alioquin de Psalterio; Oratio verò ex Proprio de Tempore.

A. Quòd si tria aut quatuor Festa, de quibus commemoratio facienda est, similia occurrant, & omnes Antiphonæ & Versiculi ex Laudibus & Vesperis jam dicti sint, Versiculi quidem ex Nocturnis tribus, prout se mutuò sequuntur, Antiphonæ verò ex primo Nocturno sumendi erunt.

B. Hæc

B. Hâc enim de causa plures semper Orationes in Comuni Sanctorum sunt positæ.

IX. Quando fit commemoratio de Dominica, vel Feria, quæ habent propriam Homiliam, nona Lectio in Officio diei novem Lectionum legitur de Homilia Dominicæ vel Feriæ, quæ erit vel prima de Homilia, vel tres simul in una Lectione conjunctæ.

X. Si in die, in quo fit Officium novem Lectionum, fiat commemoratio de Festo trium Lectionum, nona Lectio legitur de Festo trium Lectionum, si propriam habuerit; si duas, ex duabus fiat una Lectio, quæ sit nona in Officio novem Lectionum. Quæ Lectio de Sancto non legitur, quando de eo fit commemoratio in Dominicis, quæ habent nonum Responsorium; c. nec quando nona Lectio legenda est de Homilia Dominicæ vel Feriæ, ut suprâ; d. nec in Ferijs, aut alijs diebus, quando in Officio diei leguntur tantum tres Lectiones: nec etiam nona Lectio legitur de die infra Octavam, quando de ea fit commemoratio in Dominica vel aliquo Festo, licet habeat Evangelium proprium, & Homiliam. e.

C. Quod non convenienter subjungeretur Lectioni de Sancto.

D. Tunc enim, sicut Simplex huic Dominicæ & Feriæ majori in occurſu cedit quoad ipsum Officium, ita in ipsa quoque nona Lectione cedere debet.

E. Quia Evangelium lectum est in die Festi, & sæpe infra Octavam repetitur, ait Gavantus l. 3. c. 11. n. 36. additque neque legendum esse, etiamsi haberet dies aliqua Octava Evangelium diversum à Festo.

XI. Quando contingit fieri plures commemorationes, servetur hic ordo. De duplici fiat ante Dominicam, de Dominica ante Festum Semiduplex,

de Semiduplici ante diem infra Octavam, *f.* de die
infra Octavam ante Ferias Adventûs, Quadrage-
mæ, Quatuor Temporum, Vigiliarum, & Rogati-
onum, & de dictis Feriis ante Festum Simplex.
S. MARIA (quando in secundis Vesperis Festi-
vum Lectionum, quod Feriâ sextâ celebratum sit,
ea fieri debet commemoratio pro Officio sequenti
Sabbati) fiat ante Festum simplex in Sabbato occur-
rens. De Festo Simplici fit commemoratio ante
Suffragia, seu communes Commemorationes de
Cruce, S. MARIA, Apostolis & Pace, & ante com-
memorationem cujuscunque Tituli vel Patroni Ec-
clesiæ, quæ etiam pro sui dignitate aliis Suffragiis
prædictis præponeretur. *g.* De quibus Suffragiis
quomodo, & quando facienda sint, habetur inferius
propria Rubrica.

F. Etiam si Semiduplex cum die infra Octavam in die Fe-
sto alicujus Duplicis concurreret; in tali enim casu, licet die
infra Octavam, si Festum Duplex abesset, Vesperas à Capitu-
lo exigeret, adeoque primam Orationem ante Semiduplex
sibi vendicaret, amittit hoc jus ex speciali dispositione Ru-
bricæ, si, occurrente Duplici, de ea & Semiduplici tantum
commemoratio fieri debeat, uti fusiùs alibi ex Gavanto
c. i. n. 39. ostensum est.

G. Quale essent v. g. Trinitatis, Salvatoris, Transfigu-
rationis &c. tunc enim de Simplici Festo occurrente ante
omnes Personas fieri deberet commemoratio, eò quòd Sim-
plicis commemoratio specialis, reliquarum Personarum
verò commemoratio generalis seu communis sit; specialis
autem, cæteris paribus, præferendum sit generali.

TITULUS X.

DE TRANSLATIONE FESTORUM.

I. **S**I aliquod Festum Duplex occurrat in Dom-
nicis Adventûs, & à Septuagesima usque
Dom